

**Ullormut oqaluuserisassanut nassuiaat.**

(Inatsisartut Siulittaasoqarfiat)

Immikkoortoq 14 immikkoortoq 7-ip kingorna immikkoortorlu 6 sioqqullugu oqaluuserineqassaaq.

Immikkoortoq 5 ullumut oqaluuserisassani kingulliullugu oqaluuserineqassaaq. ICC-mut kalaallit aallartitassaat pingasut toqqarneqassapput.

Kukkunersiuinermut Ataatsimiititaliap aammalu Aningaasaqarnermut Ataatsimiititaliap siuliaasuisa qinnutigaat ataatsimiititaliat isumaliutissiissutaat Inatsisartunut oqaatigalugit saqqummiunneqassasut. Kukkunersiuinermut Ataatsimiititaliap minutsini 15-ini saqqummiussinissaa Aningaasaqarnermullu Ataatsimiititaliap minutsini 30-ini saqqummiussinissaa akuerineqarput.

Immikkoortoq 11-imut, Nunatta Karsiata 2008-mut naatsorsuutaanut akissuteqaatip Suleriaatsimi oqaaseqarnissamut piffissaliussat sivitsorlugit saqqummiunneqarnissaa Aningaasaqarnermut Naalakkersuisup qinnutigaa. Akissuteqaatip saqqummiunneqarnissaanut 20 minutsinik piffissaliinissaq Siulittaasoqarfiup akueraa.

Inatsisartunut ilaasortaq Ruth Heilmann, Siumut aamma Astrid Fleischer Rex, Demokraatit ullumi nal. 12:00 tikillugu taasisarneq pillugu isumaqatigiissuteqarput.